

BODO (CODE: 192)
CLASS-XII
(April 2022- March 2023)

		खोन्दो - क सुंथाबै सोंनाय (Objective Type MCQ Paper)	गार्से नम्बर 40
सोंथि नं	1	गाहायाव होनाय खोन्दोफोरखौ मोजाडै फराय :	
		<p>बर' थुनलाइनि जारिमिन बिजिरनो थाडोब्लानो सासे मानसिनि महर मोखां आरो मुडा मेगन सिगाडाव गसंखाडो- बिथाडानो जादों रेभारेण्ड सिदनि एण्डेल। हारसा रावखौ बोखांनो रबिनसन, डॉ नाथान ब्राउन, डॉ माइलस ब्रन्सन आरो रेभारेण्ड अ. टि. कत्तरमोना जायफोर हाबाखौ मावदोमोन बर' रावखौ बोखांनो थाखाय रेभारेण्ड सिदनि एण्डेलआ हारसिडैनो बैफोरखौ मावबायनो नाजादोंमोन। एण्डेलआ आसामआव स'फैनाय समाव गोजौआव मख'नाय ख्रिष्टान मिसनारी साहाबफोरा दिहुननाय “अरुणादङ्ग” मुंनि मोखां बिलाइ गांसेनि बिजोडै हारसा रावआ गोबाडैनो दावगाखांबायमोन। अरुणादङ्गनि थुलुंगा मोननानैनो आनान्दराम ढेकियाल फुकनबादि हारसा थुनलाइगिरिनि जोनोम जादोंमोन। हारसा थुनलाइ सिबियारि मिसनारि साहाबफोरनि सोमोन्दै गोदान मुगानि हारसा थुनलाइ सिबियारिफोरा दासिम गोबां बाथ्रा सावरायबाया। नाथाय बर' थुनलाइ सिबियारिरि रेभारेण्ड सिदनि एण्डेलनि बाथ्राखौ जामबा जामथाफोराथ' मिथियानो, गोरों गोराफोरनि बांसिनाबो मिथिया।</p> <p>बेफोर जेखि जादोआ बेयावहाय एण्डेलनि बर' राव आरो थुनलाइनि सोमोन्दैल' सावरायनाय जागोन। इंलेण्डनि तटेनेज मुंनि थावनियाव इं 1840 मायथाइयाव सिदनि एण्डेलआ उजिदोंमोन। बिथाडा इं 1864 मायथाइयाव आसामनि तेजपुरआव बर' ख्रिष्टानफोरनि धोरोम गुरु हेजेलमियार (Hesselmyr) नि लेडाइ जानानै फैयो। बै मायथाइनिफ्राय इं 1907 मायथाइनि जुलाइ दानसिम बिथाडा बर'फोरनि गेजेराव थानानै गावनि धोरोम फोसावनाय हाबानि लोगोसेनो बर' रावखौ फोथांफिननोबो नाजादोंमोन।</p>	
		गाहायाव होनाय सोंथिफोरनि थार फिननायखौ सायख' :	5x1=5

	(i)	बर' थुनलाइ बिजिरनो थाडोब्ला सोरनि महर मोखां आरो मुडा मेगन सिगाडाव जाखांफैयो ? (क) डॉ नाथान ब्राउन (ख) रेभारेण्ड सिदनि एण्डेल (ग) जे. दि. एण्डार्सन (घ) डॉ माइलस ब्रन्सन	1
	(ii)	रेभारेण्ड सिदनि एण्डेलआ सोरमोन ? (क) सासे बृटिस धोरोम फोसावगिरि आरो थुनलाइगिरि (ख) सासे बृटिस धोरोम फोसावगिरि आरो राजखान्थिगिरि (ग) सासे समाज फोसाबगिरि आरो सानथौगिरि (घ) बर' थुनलाइनि बिफा	1
	(iii)	"अरूण'दइ" आ मा ? (क) बर' रावनि गांसे मोखां बिलाइ (ख) हारसा रावनि गांसे बिजाब (ग) हारसा रावनि गांसे मोखां बिलाइ (घ) बर' रावनि गांसे लाइसि	1
	(iv)	अरूण'दइनि थुलुंगा मोननानै सोर हारसा थुनलाइगिरिनि जोनोम जादोंमोन ? (क) लक्ष्मीनाथ बेजबरुवा (ख) बीणा बरुवा (ग) तरुण राम फुकन (घ) आनन्दराम ढेकियाल फुकन	1
	(v)	बर'फोरनि गेजेराव ख्रिष्टान धोरोम फोसावनो फैजेननाय गिबि बृटिस धोरोम गुरुआ सोर ? (क) हेजेलमियार (ख) रेभारेण्ड सिदनि एण्डेल (ग) डॉ माइलस ब्रन्सन (घ) रेभारेण्ड अ. टि. कत्तर	1
सौधि न.	2	गाहायाव होनाय फरा खोन्दोखौ गोसो होनानै फराय :	
		आंनि गेवसानाया सुबुनि जित थसेखौ मोनजाफुनाय। साफ्रोमबो मानसिया जितनि बे गोनां जिरादखौ गावबा गावनि लामाझौ बेखेवसानो नागिरो। नाथाय बेनि जाउना एबा बे गेवसानायनि जखाया गोबाडैनो जुदा जुदा। आसोलाव बयबो मानसियानो आइननि मेगनाव समान एबा बयनिबो जिवा समानै गोथार।	

	<p>सासे दुथां एबा बिबायारिखौ बुथारब्ला जेसेबां फाब जायो सासे राजखुंगुर एबा गाहाइ मन्त्रीखौ बुथारब्लाबो एसेबां फाब जायो। थेवबो नाथाय बेनि गेजेरावनो गेदेर-उन्दैनि बाथायाबो हाबनानै दं। मोनसेल' नडा गोबां आयदायावनो मानसिनि देरसिन-दुयसिनखौ नुयो। देहा आरो गोसोआवबो मानसिया समान नडा। खायसेबा दैत्य असुर बादि गोजौ गेदेर, खायसेबा उन्दै थेफ्रा फ्रा, खायसेबा द्लामैनो गियानि, खायसेबा साननो रोडै थौले गोसोनि। खायसेबा लहा बादि गोरा गोगोम गोसोनि, खायसेबा थलं थफं लोरबां गोसोनि। देहा आरो गोसोनि बेफोर जुदाथिया मानसिनि गेजेराव गाहाय-गोजौ, गेदेर-उन्दै लाबोदों। बे जुदाथिनि जाउना बेनो दि थाना थानायनि जुजिलायनायाव खायसेबा गावनि थांखिफोरखौ मालायनिखुइ सिगां मोनहैग्रोयो, खायसेबा मालायफोरनिखुइ बांसिन आरो साबसिन खामानि मावनो हागौ, जायनि थाखाय बिसोर मुंदांखा जायो।</p>	
	गाहायाव होनाय साँथिफोरनि थार फिननायखौ सायख' :	5x1=5
(i)	<p>सुबुडा जिउ मोनसेयाव देरहासारनोब्ला मा जानांगोन ? (क) मानसिनि 'आं' आ गेवसानांगोन (ख) मानसिनि 'नों' आ गेवसानांगोन (ग) मानसिनि 'बि' आ गेवसानांगोन (घ) मानसिनि साननाया गुवार जानांगोन</p>	1
(ii)	<p>सोरनि मेगनाव बयबो मानसियानो समान ? (क) मानसिनि मेगनाव (ख) समाजनि मेगनाव (ग) आइननि मेगनाव (घ) आइनि मेगनाव</p>	1
(iii)	<p>मानसिया मा मा बिथिडावबो समान नडा होनना बुंनाय जादों ? (क) गोसो आरो देहा (ख) गोसो आरो महर (ग) गोसो आरो सावसि (घ) गोसो आरो देहा</p>	1
(iv)	<p>मानसिनि गेजेराव फारागखौ माया लाबोदों ? (क) मेगन आरो नोजोरनि फारागथिया (ख) साननाय आरो मावनायनि फारागथिया (ग) गोसो आरो देहानि फारागथिया</p>	1

		(घ) गोसो आरो मेगननि फारागथिया	
	(v)	<p>“सासे दुथां एबा बिबायारिखौ बुथारब्ला जेसेबां फाब जायो सासे राजखुंगुर एबा गाहाइ मन्त्रीखौ बुथारब्लाबो एसेबां फाब जायो” - बेनि जाहोना मा ?</p> <p>(क) मानोना जितनि जेबो बेसेन गैया</p> <p>(ख) मानोना बयनिबो जिवा समानै गोथार</p> <p>(ग) मानोना रावनिबो जिवानो ओंथि गैया</p> <p>(घ) गोजौनि मोनसेबो नडा</p>	1
सोंथिं नं.	3	गाहायाव होनाय फरा खोन्दोखौ मोजाडै फराय :	
		<p>दोहोनि आरो निखावरि-बे मोननै सारिनि मानसिफोरनि अराय जुजिलायनायखौ नुनानै कार्ल माकर्सा बुहुमनि रांखान्थिखौ बेसादनि आखुजौल’ बिजिरदोंमोन, इसोरनि महर एबा दोहोरोमखौ बियो सिमान जायाखैमोन। अब्ला फारसेथिडै गुबुन सानसुमै मानसिफ्रा अदोहोरोमनि गोमोथाव बुहुमनि दुलाराय सुबुं हारिनि गेजेराव गुलाय गुजाय फैजानो गिदोंमोन आरो दाबो गियो। बुहुमनि मुंदांखा साइक्लजिष्ट फ्रयेदा जेब्ला गोरलै गथनि आखुवावबो सेक्सनि इसारा नुनायनि बाथा बुडो, अब्ला लामा सामा मानसिफोरजौ मुजुजायो, सेन्देल-जुथाजौ खुबैजायो। नाथाय दानि मुगायाव फ्रयेदनि बाथ्राखौ मानिनानै लानायाव रावहाबो अजद गैलिया। बेयो सैथोनि देरहानाय-फ्रयेदनि देरहानाय। बे बाथ्राखौ बुडोब्ला जागोन दि मेगनजौ नुनानै फोथायनो हाथावथाव फोथायहोनो हायोब्ला फोथायनाय आरो गिनायनि थाखाय बेफोर बादि दुखु-दाहा, साजा कष्ट मोननाया जेरैब्लाबो जानो हाया। नाथाय बेखौबो जौं सिमान जायाब्ला राहा गैया दि, मेगनजौ नुनानै फोथायनो हाथावथाव फोरमान होनो हायै सैथोबो दं जायखौ नेवसियोब्ला दुलाराय सुबुं हारियानो दुखु-दाहा, खैदां-खैफोद सैनाडो।</p>	
		गाहायाव होनाय सोंथिफोरनि थार फिननायखौ सायख’ :	5x1=5
	(i)	<p>कार्ल माकर्सा सोरमोन ?</p> <p>(क) सासे राजखान्थिगिरि आरो सानथौगिरि</p> <p>(ख) सासे रांखान्थिगिरि आरो सानथौगिरि</p> <p>(ग) सासे रांखान्थिगिरि आरो फोरोंगिरि</p> <p>(घ) सासे बिगियानगिरि आरो सानथौगिरि</p>	1
	(ii)	फ्रयेदा ‘गोरलै गथ’नि आखुवाव सेक्सनि इसारा दं’ होननाय	1

		<p>बाथ्राखौ मानसिफोरा मानो फोथायनो गोब्राब मोनदोंमोन ?</p> <p>(क) मानोना बे बाथ्राया हारि बेरेखामोन (ख) बे बाथ्राया गनायथाव थाव नंथारामोन (ग) फ्रयेदखौ बयबो फारला होनना सानदोंमोन (घ) बे बाथ्राया जेबो जुक्ति गैयामोन</p>	
	(iii)	<p>फ्रयेदनि गोरलै गथनि आखुवावबो सेक्सनि इसारा दं होननाय बाथ्राखौ उनावहाय गनायना लानाय बाथ्राया मानि देरहानाय होनना रायथाइयाव बुनाय जादों ?</p> <p>(क) गोसोनि देरहानाय (ख) सैथोनि देरहानाय (ग) आथोननि देरहानाय (घ) जितनि देरहानाय</p>	1
	(iv)	<p>बुहुमाव गुबुन मा रोखोमनि सैथोबो दं ?</p> <p>(क) मेगनजौ नुना फोरमान मोननो हानाय (ख) मेगनजौ नुयै फोरमान होनो हायि (ग) मेगनजौ नुना गोसोजौ फोथायै (घ) मेगनजौ नुना फोथायनो हाथाव थाव फोरमान होनो हायै</p>	1
	(v)	<p>फ्रयेदआ सोरमोन ?</p> <p>(क) सासे समाज सिबियारि (ख) सासे मुंदांखा राजखान्थिगिरि (ग) सासे साइक'लजिष्ट (घ) सासे बिगियानगिरि</p>	1
सोंथि नं.	4	गाहायाव होनाय सॉलुफोरनि गेबें फिनखौ सायख' :	10x1=10
	(i)	<p>गाहायाव होनायफोरनि बबे मोनसेया जरा सोदोब ?</p> <p>(क) रां-रुफा (ख) आलासि-बेदर (ग) दोहोनि-गोरिब (घ) हा-अरब्रां</p>	1
	(ii)	<p>दा- सिगां दाजाबदाखौ थाइजा सोदोबनि सिगाडाव फज'योब्ला मा ओंथि फोरमायो ?</p> <p>(क) नंगौ ओंथि (ख) नडि ओंथि (ग) जथाय थाइजा (घ) गोजौनि मोनसेबो नडा</p>	1

	(iii)	-फोर उन दाजाबदाखौ गाहायनि बबे मोनसे सोटोबजॉं बाहायनाय जाया ? (क) जॉ (ख) नॉ (ग) बे (घ) ना	1
	(iv)	बर' रावाव दाजाबदाया मोनबेसे ? (क) मोननै (ख) मोनथाम (ग) मोनबै (घ) मोनबा	1
	(v)	गाहायनि बबे मोनसे सोटोबाव जो आथोन दाजाबदानि बाहायथि गैया। (क) हंलि (ख) रानि (ग) नाब्ले (घ) सिनायथि	1
	(vi)	-बाय थाइजा दाजाबदाया मा बिदिन्था एबा समखौ फोरमायो ? (क) जाफु बिदिन्था (ख) दा जाखां बिदिन्था (ग) सिगां जाखां बिदिन्था (घ) अराइ जाफु बिदिन्था	1
	(vii)	थारजा बेखेवफा दाजाबदेरनाय मोनसे सोटोबा जादों - (क) जा-बाय (ख) जा-आ (जाया) (ग) दाउ-फोर (घ) बिथां-मोन	1
	(vii)	‘-सोर’ उनदाजाबदाखौ गाहायनि बबे मोनसे सोटोबजॉं बाहायनाय जाया? (क) गाव (ख) नॉ (ग) बि (घ) मा	1
	(ix)	“आदारबो होयो नावद्राबो बुयो” नि औंथिया-	1

		(क) गाज्जि हाबा मावनो सिं सिं थुलुंगा आरो हेफाजाब होनानै बि मानसिनो गाज्जि मुं फोसावदला बायग्रा (ख) जाहोग्रा लोंहोग्रा मानसिखौनो गाज्जि मुं फोसावग्रा (ग) मोजां हाबा मावग्रा मानसिनि मुं सुग्रा (घ) जाहो लोंहो मोजांडै सिबिनाय	
	(x)	'जासे जानानै खाइबावालि' नि ओंथिया- (क) जासे जानानैबो बावगारग्रा (ख) सोरबा जाहोग्रा, लोंहोग्रा एबा आगोर होग्रा मानसिनि मुं बाखनायनाय (ग) सोरबा जाहोग्रा, लोंहोग्रा एबा आगोर होग्रा मानसिखौ हेफाजाब खालामनाय (घ) सोरबा जाहोग्रा, लोंहोग्रा एबा आगोर होग्रा मानसिनि मुं सुनाय	1
सौंथि न.	5	गाहायाव होनाय सौंलुफोरनि गेबे फिनखौ सायख्ना लिर :	10x1=10
	(i)	A Collection of Kachari Folk Tales and Rhymes मुंनि बिजाबा ओंखारदोँमोन- (क) 1884 मायथाइयाव (ख) 1895 मायथाइयाव (ग) 1984 मायथाइयाव (घ) 1885 मायथाइयाव	1
	(ii)	लोन्थि एबा बसन्त बेराम जानायनि गुबै जाहोना जादों- (क) बिमा मोदाइ हमनाय (ख) गुबुन मोदाइजो रागा जानायनि थाखाय (ग) भाइरास एबा जिउसाजौं सोमजिनाय (घ) बिमा कालि हमनाय	1
	(iii)	एण्डेल मुगानि समा जादों- (क) 1860-1912 (ख) 1864-1911 (ग) 1864-1947 (घ) 1884-1911	1
	(iv)	'संसारनि अन्नाय' खन्थाइया मा बाहागोनि खन्थाइ ? (क) रमान्टिक (ख) पेट्रिअटिक (ग) मिष्टिक	1

		(घ) मडार्न	
	(v)	<p>“संसरानि अन्नाय” खन्थायाव थानाय ‘मेलेमथारा’नि ओंथिया मा ?</p> <p>(क) थावथारा, जुथिमोनि</p> <p>(ख) साननो हायि, गोजोनि</p> <p>(ग) आदुवा, जेबो रोडि</p> <p>(घ) साननो हायि, मेलेम गैयि</p>	1
	(vi)	<p>मुलुग संसारनि गुमुखौ संनायनि राहायानो जादों-</p> <p>(क) इसोर</p> <p>(ख) रांखावरि</p> <p>(ग) इन्टारनेट</p> <p>(घ) गोनोखो</p>	1
	(vii)	<p>“जोहोलाव दैमालु” रायथाइनि लिरगिरिया जादों-</p> <p>(क) प्रमद चन्द्र ब्रह्म</p> <p>(ख) मंगलसिं हाज’वारी</p> <p>(ग) रूपनाथ ब्रह्म</p> <p>(घ) मदाराम ब्रह्म</p>	1
	(viii)	<p>खेराइ मोसानाया-</p> <p>(क) तान्दब आरो लास्य मोसानायजॉ जेबो सोमोन्दो गैया।</p> <p>(ख) लय, तालजॉ मोटोमखौ साफे-सुफे खालामनानै सोरजिगिरिखौ गोजोन होनाय</p> <p>(ग) सोरजिगिरिनि खाथियाव आरज खालामनाय आरो बिथाइ खुंथाइजॉ सोमोन्दो गैया।</p> <p>(घ) बर’ हारिनि मोनसे दोहोरोमारि मोसानाय</p>	1
	(ix)	<p>“दावदो दे दाव बर’ हारि” होनना बर’ हारिखौ मानो दावलांनो थोनदो ?</p> <p>(क) बर’ हारिखौ फोजाखांनो थाखाय</p> <p>(ख) गुबुन हारिजॉ समानै दावगालांफानो थाखाय</p> <p>(ग) मावा-दाडा उन्दुसोनानै थानायनि थाखाय</p> <p>(घ) बर’ हारि आरो हारिमुनि सिनायथिखौ फोथांना लाखिनो थाखाय</p>	1
	(x)	<p>‘अलंबार’ लाइसिनि सुजुगिरिया सोर ?</p> <p>(क) प्रमद चन्द्र ब्रह्म</p> <p>(ख) रूपनाथ ब्रह्म</p>	1

		(ग) मदाराम ब्रह्म (घ) ब्रजेन्द्र कुमार ब्रह्म	
सोंथि नं.	6	<p>गाहायाव होनाय खन्थाइ खोन्दोखौ गोसो होना फराय :</p> <p>साफ्रोमबोनि गोर्बोआ</p> <p>मोनफा मोनफा जाहार</p> <p>हासार-बहा।</p> <p>जाय बेगरखौ फोयो</p> <p>बेनो रज'यो।</p> <p>बयबो गोर्बो हासारजौं</p> <p>कालाहान्दिखौ फबहै</p> <p>आरो</p> <p>एम्बु ज'रानि हाबा होनानै</p> <p>अखा लिंहर</p> <p>बिनि खराना खारथोंसै</p> <p>अखानि दैजौं</p> <p>बैसुमुथिनि गोर्बोआ</p> <p>गोजोन्थोंसै।</p>	
		गाहायाव होनाय सोंथिफोरनि थार फिनखौ सायख' :	5x1=5
	(i)	<p>कालाहान्दिआ मा ?</p> <p>(क) उरिष्यानि आंखालजौं नारव्रेबजानाय आरो गोगलैसोनानै थानाय मोनसे ओनसोल</p> <p>(ख) बिहारनि आंखालजौं नारव्रेबजानाय आरो गोगलैसोनानै थानाय मोनसे ओनसोल</p> <p>(ग) गिटिर बालाहामा ओनसोल</p> <p>(घ) दरसे गेदेर हाग्रामा ओनसोल</p>	1
	(ii)	<p>'गोथां गाब गाथोंसै' खन्थाइयाव खन्थाइगिरिया गोथां गाबजौं माखौ फोरमायदौं ?</p> <p>(क) बैसोमुथिखौ</p> <p>(ख) गोरबो हासारखौ</p> <p>(ग) मिथिंगाखौ</p> <p>(घ) बिफां-लाइफांखौ</p>	1
	(iii)	<p>'एम्बु जरा' होनायनि आंथि एबा थांखिया मा ?</p> <p>(क) अखा लिंहरनाय</p> <p>(ख) दोरोडारि नेम-खान्थिखौ फालिनाय</p> <p>(ग) रंजानायनि मोनसे फोरबो</p> <p>(घ) एम्बुखौ हाबा खालामना होनाय</p>	1
	(iv)	'गोथां गाब गाथोंसै' खन्थाइयाव 'बिनि' होनना सोरखौ एबा माखौ	1

		फरोमायदों ? (क) मिथिंगाखौ (ख) सुबुनि गोसोखौ (ग) खन्थाइगिरिखौ (घ) बैसुमुथिखौ	
	(v)	'गोथां गाब गाथोसे' खन्थाइनि खन्थाइगिरिया सोर ? (क) रिता बर' (ख) धीज्जु ज्योति (ग) अन्जु (घ) जौसि बर'	1
		खोन्दो - ख (Descriptive Type Question)	गासै नम्बर 40
सॉथि नं.	7	गाहायाव होनाय सोंलुफोरनि सुंथावै फिन लिर (20-25 सोदोबनि गेजेराव) :	5x2=10
	(i)	A Collection of Kachari Folk Tales and Rhymes मुंनि बिजाबाव थानाय दोनै सल'नि मुं लिर।	2
	(ii)	'खेराइ' सोदोबा माबादियै सोमजिदों ?	2
	(iii)	खन्थाइगिरिया दानि बर'फोरनि माबादि हालोद नुदों ?	2
	(iv)	बसन्त बेराम जानायनि गोनोखो गनायनाय जाहोना मा ?	2
	(v)	खन्थाइगिरिया अननायखौ मानो थिखा मावनायजौं रुजुनो नागिरदों ?	2
		लिरनाय	
सॉथि नं.	8	बेखेवना लिर (40-50 सोदोबनि गेजेराव) :	3x4=12
	(i)	दाजाबदाया मोनबेसे बाहागोनि आरो मा मा ? मोनफ्रोमखौबो सुंद' सुट'यै बेखेवना बिदिन्थि हो।	4
	(ii)	गाहायाव होनाय बाथा भावखौ बेखेवना लिर - 'सिखावनि सालाइया खान्दा।' एबा 'अनदला खारियाव आगान थाया।'	4
	(iii)	"खोलोमा थुंगिनिखुड देरसिन।" -बे बुंथिनि मटद होनानै एबा बेरेखा साननानै नोनि सानथाइखौ फोरमाय। एबा "खौसेब्ला देरहागोन गावस्साब्ला जेनगोन।" - बे बाथाखौ फेहरना लिर।	4

सौंथि नं.	9	गोगो सोलोंथाइनि थाखाय बिमा रावनि बिजोडानो बयनिरुइ साबसिन। -बे बिबुंथिनि मदद एबा बेरेखा साननानै नोंनि सानथाइखौ फोरमाय। (मोन 100 सोदोबनि गेजेराव)	6
सौंथि नं.	10	नोंनि जायगायाव नुजानाय सोलोंथाइनि जेंनाखौ लानानै रादाब बिलाइनि सुजुगिरिनिसिम गांसे लाइजाम लिर। एबा दैबानानि जेंनाखौ लानानै रादाब बिलाइयाव फोसावनो थाखाय रादाब सुजुगिरिनिसिम गांसे लाइजाम लिर।	6
सौंथि नं.	11	गोलोम बोथोर बन्दनि थाखाय गांसे फरायसालिनि गाहाइ फोरोंगिरि जानानै गांसे मिथिसार बिलाइ लिर। एबा फरायसालियाव जानो गोनां बोसोरारि जथुमाझौं सोमोन्दो लाखिनानै हारिमु बादायलायनायनि सोमोन्दै फरायसाफोरनो फोरमायनानै नों सासे हारिमु नेहाथारि जानानै गांसे मिथिसार बिलाइ लिर।	6